

TOTIHITAWË THAMOTIMA THË Æ

PREÁMBULO

Enaha thë puhi tao kuaai, wã rëamai thë, peheti he usukuwë thë, wã toprao thë kãi, hei thë pë nohi taemopou piyëkou, ãhã thë pë nohi ãhãpimopouha totihitawë thamotima thë hami he usukuwë thë pë nohi taeyou totihitaopë,

Enaha thë puhi tao kuaai, totihitawë thamotima thëni thë taimi ha, thë pë kãi shomiaprai ha, hei wãrãtiwë thamotima thë kipi thaprarema. Komi pëmaki rë kui pëmaki kiriihou mai, pëmaki kãi no preaai mai pëmaki përihou piyëkopë, pëmaki ã toprapë, pëhetiapramotima thë pë hami.

Enaha thë puhi tao kuaai, totihitawë thamotima thë rë wã nosie huamotima thëni thë nohi thapopë, komi urihitheri thë pë no yuayou maõpë,

Enaha thë puhi tao kuaai, thë pë përihiwë rë piyëkëi thë pë puhi taamayõpë thë pë rãmimayõpë,

Enaha thë puhi tao kuaai, komi urihitheri ONU thë ha thë pehetiapraihe, totihithawë thamotima thë hami, suwë wãro pei pëmaki no rë kui thë pë no ã hë usukuwë, kama pëni thë ã wawemarëmahë thë pë puhi rë taamaãwëã,

Enaha thë puhi tao kuaai, komi urihitheri pë rë kui ONU thë iha thë pë ã wawëtokema totihitawë thë ã nosi riã ha poheni,

Enaha thë puhi tao kuaai, thë pë ã rë wawëtokenowëã thë pëni thë ã hãrãapehe thë ã nosi kãi popehe

ãhã thë no ã ha TOTIHITAWË THAMOTIMA THË Æ wëyëi piyëkouhe.

Hetipëtëwë 1

Kõmi thë pë rë përiprawë rë piyëkëi, he usukuwë thë pë keprou ai thë ã rëamaihã no ã heparohowë,

totihitawē thē pē riā rē thaiwehei hami, thē pē puhi tao kāi pērihiwēha, thē pē puhi kāi katehewēha hawē
kama thē pē mashi shīro pērihimopē.

Hetipētēwē 2

Kōmi thē pē ihami totihitawē thamotima thē kuprawē , thē ā rē maiha thē pē pēriprawē, wā katehano thēni
thē wāhā no wayoano, suwē, wāro, pei kahi, thē pē rē reahumouwēĩ, napē thē ā, no matohipi, no preaarewē,
thē pē rē kepronowēĩ hami, ai thē pē sho, shomi urihitheri himayōumahēĩ.

Kōmi thē pē ihami totihitawē thamotima thē kuprawē , thē ā rē maiha thē pē pēriprawē, ma kui ai thē pēni thē
pē urhipi rēpoumakuhei thē pē riā pērio topiao he yatio.

Hetipētēwē 3

Yāmi kōmi thē pē ihami totihitawē thamotima thē kuprawē thē pē rē pēriaiwei thē pē kuprawē, ai thē ā
rēamai, peheti thē pē rē pēriaiwei.

Hetipētēwē 4

Ai thē pē iha horemou wamaki no ohotamopi mai, horemou ohotamomamotima thē thamai puhiomi he
parohowē.

Hetipētēwē 5

Thē pē shēmou taomi, thē pē wāhā kāi wārĩhĩthomamou taomi, thē pē shēmou wārĩtai taomi.

Hetipētēwē 6

Thē pē pēriprawē rē piyēkēi thē pē ihami totihitawē thamotima thē kuprawē, thē pē nohi riā hatukēmopou
piyēkou.

Hetipētēwē 7

Wã nosie huamotima a hami, komi hititiwë thë pë he usukuwë, thë pë nohi kãï thapou piyëkou. Hei wã katehano thë rë kui thëni, hititiwë wã nosie huamatima ani wãrĩhĩtho thamotima thë hami, thë pë he komi rupou piyëkou; wãrĩhĩto thamotima thë hami thë pë no yuo maõpë.

Hetipëtëwë 8

Komi hititiwë thë pë rë kui, thë pë payeriopë nohi thaporewë pata pëni, pë nohi rë hatukëawei kama urihithëri thë pëni , totihitawë thamotima thë wãrĩhĩtho thai maõpehe.

Hetipëtëwë 9

Enaha pëtawë thë pë huëamou taomi, thë pë kãï òkamopou taomi ai thë urihi hami thë pë shimamou ayao taomi.

Hetipëtëwë 10

Komi hititiwë thë pë ihami, totihitawë thamotima thë kuprawë, thë pë he pruka usukuwë, nohi thaporewë pata pë mithari hami, thë a riã hai thë a riã ha hĩrĩãmoni thë rë thanowëĩ thë hami thë wãhã no wëyëihe tēhë, thë no ã he riã ha ruoni.

Hetipëtëwë 11

Hititiwë thë pë rë kui thë pëni ai thë ma thamonomai thë pë wãhãno wëyëihe tēhë thë pehetiaprai haia maheĩha thë shurukuamou haio taomi. Nohi thaporewë pata pëni thë pehetiaprai haia maheĩha pë noa napëmou taomi.

Thë pë wãhãno wëyëyono ma mai, thë pë wãhãno wëyëyou, enaha thë thamou taomi. Hapa hote wãrĩtĩwë thë ani hei tēhë thë wãrĩtĩwë he parohowë thë thamou taomi.

Hetipëtëwë 12

Ai thë puhî pētouha ayaroni , thë pë yahîpi hami, thë he haprou ayau taomi, therihë pë ihami kâi, ōniōni a shimaihe tēhë thë kâi mii pario ayao taomihe, komi thë pë mithari ha wa thë wāhāno wēyēi ayao taomi. Īhĩ thë pë hami totihitawë thamotima thë rē kui wā nosie huamotima thēni thë pë nohi thapou piyēkou.

Hetipētēwë 13

Hititiwë thë pë ihami totihitawë thamotima thë kuprawë, ai thë ā rēamaihā thë pë riā huu piyēkou, wa thë nohi rē pēripouwei thë urihi ha thë pë kâi riā shaponomou.

Hititiwë thë pë ihami totitihitawë thamotima thë kuprawë ĩhĩ thë no āhā thë pë rē pērihiwë rē piyēkēi thë pë urihipi hami, thë pë kâi riā huu, thë pë urihipi nohi kâi rē pēiprai, thë pë urihipi nohi kâi riā kōō mi yapao.

Hetipētēwë 14

Ai thë yapēkamahe tēhë, kōmi hititiwë thë pë ihami totihitawë thamotima thë kuprawë thë pë rē hithēpraamaiwēĩ a urihi ha, ĩhĩ ā hā thë pë ā riā topiao, shomi thë pë urihipi hami kâi.

Hei a hami totihitawë thamotima thë rē kui thë wāhā pomou taomi thë kâi puhipramou taomi, wā nosie huamotima nohi thaporewë pēni thë pë huēmamaihē tēhë peheti kōmi yapēkamotima thë pë hami pei thë hapa rē hupētarenowēheĩ thë pēni kâi.

Hetipētēwë 15

Hititiwë thë pë ihami totitihitawë thamotima thë kuprawë, kama urihi theri thë pë wāhā hirou katitou.

Thë puhî pētouha ayaroni kama urihitheri thë rē kui thë mapramai ayao taomi, totihitawë thamotima thēni hawë kama e thë wāhā riā hiroprou kuo.

Hetipētēwë 16

Wārō, suwë pë sho, kama huya thë pë riā rē toayouwei hami totihitawë thamotima thë kuprawë ai thë ā rēo

taomi. Ai thē ã rēamaihã suwē , wāro pē sho thē pē riã toayou, kama theri thē pē wāhã hirou, reahumotima kama urihithēri, ĩhĩ thē pēni totihitawē thamotima thē hami thē pē ã rēo taomi, kama thē pē mashi riã kuprou. Shoati totihitawē thamotima thē ha thē pē ã riã topiao, thē pē toayou pario tēhē, thē pē ã topiao rē kuonowēĩ naha, thē ã riã topiao kuo shoao.

Kama kēkipi rē puhyouwei, peheti kēkipi riã toayou.

Kama thē pē mashi shĩroni pē shapono praukamaihē ĩhĩ thē no āhã totihitawē thamotima thē rē kui, kama urihitheri thēni thē nohi thapouhe, kama thē pē shaponopi kãini.

Hetipētēwē 17

Hititiwē thē pē rē kui thē pē matohipi riã kuo, totihitawē thamotima thē ha, thē pē rē perihii hami kama thē pē urihipi riã rii kuomopotayou.

Pei thē puhi pētouha ayaroni thē pē matohipi riã rēmaimihe thē pē rē perihii hami urihi ã kã rēmai taomihe.

Hetipētēwē 18

Hititiwē thē pē rē kui ai thē ã rēamaihã totihitawē thamotima thē ha thē pē puhi tao kã riã pērio, reahumotima thē hami, thē pē puhi katehewēha; totihitawē thamotima thē ha thē ã kã koyokoa reahumotima wa thē riã rē hemihipraiwei, ai thē ã rēamaihã thē riã owēmamou komi thē pē mithari ha thē kã riã owēmaihe, thē pē hirayou tēhē, thē pē owēmayōũ tēhē, peheti thē ã huamou sharirou ha.

Hetipētēwē 19

Ai thē ã rēamaihã hititiwē thē pē rē kui yãmi thē pē puhi riã piyēkou, thē wāhãno riã rē wayoiwehei; ĩhã thē ã kã koyokoa thē ã hai tēhē thē ã nohi wārimopou taomi, ma kui yaniki thē riã wārimou kuaahērii, thē ã riã opisi tēamou kuaahērii, thē ã riã wēyēmou piyēkou wānoshimamotima thē pē hami.

Hetipētēwē 20

Hititiwē thē pē ihami totihitawē thamotima thē kuprawē ai thē ã rēamaihã thē pē ã riã wayou kãi yototai thē pē riã rē thaiwehei thē pē wãhãno wayoihe ha.

Ai thēni yototamotima thē hami thē shimai ayao taomi.

Hetipētēwē 21

Hititiwē thē pē ihami totihitawē thamotima thē kuprawē patamorēwē thē pē rē kui thē pē ã wayou kãi riã roaai narēõ kama peni a pata rē thanowēhēi pē mithari ha kãi.

Hititiwē thē pē ihami totihitawē thamotima thē kuprawē kama thē pē rē pēiprai hami thē ohotepi rē shatiprai, thē pē riã ohotamou toaai.

Patamorēwē thē pē rē kui, thē pē shaponopi kãi rē pēriowei thē pē iha thē pē patamou. Ei thē rē kui thē pē shaponopi kãi rē pēriowei thē peni thē pē wãhãno ha wayoaheni thē yaiaprai shaohe yaiamotima thē kuo tēhē thē pē yaiamou hãthõõ.

Hetipētēwē 22

Hititiwē thē pē ihami totihitawē thamotima thē kuprawē kama thē pē rē pēiprai hami pata thē pēni thē pē nohi kãi hatukepopehe, ai urihitheri thē pē patani thē pē nohi kãi hatukēpopehē, thē pē puhi topramapopehe, ãhĩ thē nohi yaimopou thē pē puhi wetinahamou maõpē, peheti thē pē pērihopē.

Hetipētēwē 23

Hititiwē thē pē ihami totihitawē thamotima thē kuprawē, thē pē urhipi riã hupēo, ai thē ã rēamaihã thē ohote hurimopē, thē prewē thaporahehi, pata thēni ohotamorēwē thē pē rē kui thē pē nohi pēyēpou thē pē ohote kuo maõ tēhē.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kâi kôõ he usukuopë.

Hititiwë thë pë ihami totihitawë thamotima thë kuprawë he husukuwë thë pë no kôõ, thë pë puhi kâi owëhëo, kama pë shľro rë kui e pë puhi kâi përio mi hetuopë e thëki peheriproimiha pë kâi rë përioweini ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yänikio pariopë, thë pë riã huu toatarou, topiao thë pë kâi rë ohotamonowë thë no kâi riã kôãmamou thë ma yänikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio topiao kama theri thë pë shľro sho, nii pë hami, yahi pë sho, thë pë kâi temio topiao, thë pë kâi titihopë, thë pë nohi kâi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wãrõ rë patai, thë pë suwe kâi rë patai, ai thë pë wãrľtiwe kâini thë pë pehetipopehe.

Suwë shipënapï thë pë rë kui, ihiru, marãnapï, suwëhëri marãnapï thë pë komi sho, totihitawë thamotima thëni, thë pë nohi thamopou topiao. Hititiwë ihiru hľpi kua pë rë keprouwei, pë hľpi ma kua mai pë kâi rë keprouwei, totihitawë thamotima thë kuprawë peheti pë nohi kâi thaprawë.

Hetipëtëwë26

Hititiwë thë pë ihami totihitawë thamotima thë kuprawë, thë pë kâi hirayopë. Hiramotima thë pë rë kui, nomraiha thë pë hiramou pariopë. Hiramou pariotima thë hami thë pë ihirupi shimio he parohoopë. Hiramou

pariotima thë nohã hami ðha hititiwë thë pë ònimou taai he parohoopë; ònimou pata thë rë kui hititiwë thë pë pehi ma kui thë pë puhì moyãwei rë thë pë pehi shĩro kuopë.

Hiramotima pë hami, puhì tao thë pë kupropë ðhĩ thë no ãhã totihitawë thamotima thë pë nohi asipopehe ai the ã rëamai thë sho; thë pë rë përiprawë piyëkëi thë pëni, thë pë nohi kãi rë yaipouwehei thë pë hami, thë pë no ðhĩpipopehe, thë pë kãi puhipoyopë, O.N.U. thëni thë thamai rë puhiiwei thë ã riã praukamai ha piyëkoni, thë pë ã riã topramapou ha totihioni.

Pë nĩ, pë hĩ thë pëni e thë hiramai shi rë topraowehei e thë hiramai puhipehe.

Hetipëtëwë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë ã rëamaihã, thë pë no riã taayou, thë pë a kãi riã topiao, matohi pë rë thanowëhë thë pë hami, ðhĩ thë pë matohi ha thë pë ã riã toprarou.

Hititiwë thë pë ihami totihitawë thamotima thë kuprawë , thë pë nohi thaopë, kama thë pëni thë pë rë thaiwehei thë pë hami, thë kãi rë ònimaiwëhë thë pë hami, noshiharirawë thë pë kãi rë kopemaiwëhë hami kãi.

Hetipëtëwë 28

Komi hititiwë thë pë ihami totihitawë thamotima thë kuprawë ai thë pëni thë ã rë thaiwehei, thë ã nosi popehe.

Hetipëtëwë 29

Komi hititiwë thë pëni ohote thë huripehe kama thë pë shaponopi hami, ðhĩ pë shapono hami topiao thë pë parahërii.

Totihitawē thamotima thē hami thē pē rē wapēohēriiwei ai thē pē ihami totihitawē thamotima thē pē kǎi kuprawē, ǎhǎ ei thēni thē nohi hatukēmapou totihitawē thamotima thē rē kui ai thē ǎ reamai thē sho. Mihi totihitawē thamotima thē hami peheti thē pē kuaahērii, yaiamotima thē hami thē pē rē patamou thē kuo tēhē.

Hei totihitawē thamotima thē rē kui ai thē ǎ kua mai thē pē sho O.N.U. thē rē kuuwei thē ǎ nohi wǎhǎpou taomi.

Hetipētēwē30

Thē pē rē pērihouwei thē pēni, yototarewē pēni , ai yǎmi thēni wa katehano thēni totihitawē thamotima thē wǎhǎ no wēyēi ha ai thēni thē wǎhǎ nohi taeai taomi, thē wǎhǎ kǎi hemihiprai ayao taomi.